

年十二月庚午、大倭國疫、賜醫藥救之、

〔續日本紀<sub>文二</sub>〕大寶二年二月庚戌、越後國疫、遣醫藥療之、六月癸卯、上野國疫、給藥救之、

〔續日本紀<sub>文三</sub>〕大寶三年三月戊寅、信濃上野二國疫、給藥療之、五月丙午、相模國疫、給藥救之、

慶雲元年三月甲寅、信濃國疫、給藥療之、十二月辛未、是年夏、伊賀伊豆二國疫、並給醫藥療之、二

年十二月癸酉、是年諸國二十飢疫、並加醫藥賑恤之、三年閏正月庚戌、京畿及紀伊、因幡、參河、駿河

等國並疫、給醫藥療之、乙丑、勅令禱祈神祇、由天下疫病也、四月壬寅、河內、出雲、備前、安藝、淡路、讚

岐、伊豫等國飢疫、遣使賑恤之、十二月己卯、是年天下諸國疫疾、百姓多死、始作土牛大儺、四年正

月<sub>○正月</sub>乙亥、因諸國疫、遣使大禱、四月丙申、天下疫飢、詔加賑恤、但丹波、出雲、石見三國尤甚、奉

幣帛於諸社、又令京畿及諸國寺讀經焉、

〔續日本紀<sub>元四</sub>〕慶雲四年十二月戊辰、伊豫國疫、給藥療之、

和銅元年二月甲戌、讚岐國疫、給藥療之、三月乙未、山背、備前二國疫、給藥療之、七月丁酉、但馬、伯

耆二國疫、給藥療之、二年正月戊寅、下總國疫、給藥療之、六月甲午、上總、越中二國疫、給藥療之、

辛亥、紀伊國疫、給藥療之、

〔續日本紀<sub>元五</sub>〕和銅三年二月壬辰、信濃國疫、給藥救之、四年五月辛亥、尾張國疫、給醫藥療之、五

年五月壬申、駿河國疫、給藥療之、

〔續日本紀<sub>元六</sub>〕和銅六年二月丙辰、志摩國疫、給藥救之、四月乙未、大倭國疫、給藥救之、

〔續日本紀<sub>聖十</sub>〕天平五年十二月辛酉、是年左京、及諸國飢疫者衆、並加賑貸、

〔續日本紀<sub>聖十二</sub>〕天平七年八月乙未、勅曰、如聞、比日太宰府疫死者多、思欲救療疫氣、以濟民命、是以奉

幣彼部神祇、爲民禱祈焉、又府大寺、及別國諸寺、讀金剛般若經、仍遣使賑給疫民、并加湯藥、又其長門

以還、諸國守、若介、專齋戒道饗祭祀、九年六月甲辰、朔廢朝、以百官官人患疫也、七月丁丑、賑給大